



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessionale, || In Qvo || Vniversa || Materia De ||
Confessione Pec-||catorvm Apvd Catholicos || vsitata per
Quæstiones explicatur**

Eisengrein, Martin

Ingolstadii, 1577

VD16 E 795

VII. Cur Chrystostomus, tàm S. Episcopus, Confessionem auricularem, suo tempore non seruârit, si à Christo sit instituta.

urn:nbn:de:hbz:466:1-30362

zomenus, quod Sacerdotibus placuit institui Presbyterum aliquem, ad quem, qui deliquerant, accedentes, quæ gessissent, confiterentur: Priùs enim liberum erat, ex pluribus Presbyteris per Episcopum constitutis, vnum aliquem eligere; quod clarè testatur historia Serapionis apud Eusebium.

Euse. lib. 6.
cap. 44.

Obligabatur quoque pœnitentiarius Sacerdos, per hanc appendicem (vt habet Sozomenus) ad referendum Episcopo audita peccata, maximè enormia, quamuis secreta, quæ postea ipse publicè recitabat in Ecclesia: Ait enim, Propterea ab initio visum est Episcopis peccata annũtiare, siue promulgare, quasi in theatro, teste multitudine Ecclesiæ.

Huius autem additamenti obseruatione, natum est scandalum populi, & accepta occasio sæuiendi in Sacerdotes: Hoc enim facinus cognouit ex recitatione facta, iuxta illud Episcoporum additamentum, propter quod visum fuit Nectario, quod ipsum abrogare cõueniret. Nihil igitur commune habet abrogatio huius additamenti, cum abrogatione Cõfessionis, de qua erat antiquus ab Ecclesiis Canon receptus, vt fieret apud Sacerdotem de omnibus peccatis.

Abrogatio
additamẽ-
ti nihil ha-
bet cõmu-
ne cum ab-
rogatione
Confessio-
nis.

Cur Chrysostomus, tam sanctus Episcopus, Confessionem auricularem suo tempore non seruauit, si à Christo est instituta?

Quæstiõ
VII.

Profe-

Caput I. De Institutione

Responſio. Proferuntur quidē ab iis, qui Confessionem peccatorum apud Catholicos vsitam ferre non poſſunt, aliqua loca, quibus pro confirmanda opinione ſua, nituntur. Ex quibus vnum aut alterum proferemus, eiq; claram adhibebimus reſponſionē. Peccata,

Chryſoſt. ſcribit quodam in loco Chryſoſtomus, tua hom. 2. in dicit, vt deleas illa. Si confunderis alicui dicere, quae peccāſti, dicit, quodammodo ea in anima tua. Non dico, vt confitearis conſeruo tuo, qui exprobrat, dicit Deo, qui curat ea. **Peenit. & Confels.** Peccata tua ſuper ſtratum confitere, vt ibi ſua mala quotidie conſcientia tua recognoſcat. Item: Nunc autem neque neceſſarium eſt praesentibus teſtibus confiteri, cogitatione tua, fiat delictorum exquisitio; ſine teſte fit hoc iudicium, ſolus DEVS te confitentem videat. Item: Non te in ſeruorum tuorum theatrum duco, non hominibus peccata tua detegere cogo. Repete coram DEO conſcientiam tuam, & explica.

Verum errant ij, qui dictis locis ſecretam peccatorum Confessionem, apud Catholicos vsitam oppugnare nituntur toto caelo: Iſ enim & ſimilibus locis Chryſoſtomus, non Confessionis, ſed appendicis tantum, per Episcopos, ob Nouati haereſim, Confessionem adiectae, cuius proxima quaestione mentionem fecimus, abrogationem teſtatur. Id quod ipſa verba eius, ſi quis ea penitus introſpiciat, apertiffime docent, dum quaſi ad verba

Sozomeni

Sozomeni de theatro alludit, inquiens: Non te in conseruatorum tuorum theatrum duco &c. Nequaquam igitur conscientias hominum vinculis Confessionis liberat, quibus Diuina lege constringuntur; sed gratulatur, populum liberatum esse magno illo onere, quod propter haeresim Nouati, Episcoporum constitutione Confessionis adiectum fuerat.

An non Iacobus, scribens: Confitemini alterutrum peccata vestra; potius quam *Questio VIII.*

Christus, Sacramentalem Confessionem instituit? *Iacob. 5.*

Responso.
Cum tota Ecclesia Sacramentum aliquod instituere non possit, multo minus vnus homo, quantumuis sanctus. Ideoque dictis verbis non tam institutam à Iacobo & præceptam Sacramentalem Confessionem, quam eam, quæ pridem à Christo ipso instituta esset & præcepta, promulgata, rectè viri quidam pij & docti existimauerunt.

Neq, mouere quenquam debet vox hæc, alterutrum, vt putet eam ad Sacramentalem Confessionem, quæ Sacerdoti fit, referri non posse. Vir fuit excellens & doctrina & vitæ sanctimonia Hugo de S. Victore, Bernardi æqualis: Is cum adduxisset hunc locum Iacobi: Quid est, inquit, alterutrum? Ac mox respondet: Non solum homo DEO, sed inter vos alter alteri, homines hominibus, oues pastoribus.

Hugo libr. 2. de Sacramētis, parte 14. ca. 1.